

שמות

א^{שמות} ואלה שמות בני ישראל ס
 הבאים מצרימה את יעקב
 ב איש וביתו באו: ראובן שמעון
 ג לוי ויהודה: יששכר זבולון
 ד ובנימן: דן ונפתלי גד ואשר:
 ה ויהי כל-נפש יצאי ירך-
 יעקב שבעים נפש ויוסף היה
 ו במצרים: וימת יוסף וכל-אחיו
 ז וכל הדור ההוא: ובני ישראל
 פרו וישרצו וירבו ויעצמו במאד
 מאד ותמלא הארץ אתם:
 ח ויקם מלך-חדש על-מצרים
 אשר לא-ידע את-יוסף:
 ט ויאמר אל-עמו הנה עם בני
 י ישראל רב ועצום ממנו: הבה
 נתחכמה לו פן-ירבה והיה כי-
 תקראנה מלחמה ונוסף גם-
 הוא על-שנאינו ונלחם-בנו
 יא ועלה מן-הארץ: וישמו
 עליו שרי מסים למען ענתו
 בסבלתם ויבן ערי מסכנות
 לפרעה את-פתם ואת-
 יב רעמסס: וכאשר יענו אתו
 כן ירבה וכן יפרץ ויקצו מפני
 יג בני ישראל: ויעבדו מצרים
 יד את-בני ישראל בפרך: וימרו
 את-חיהם בעבודה קשה

בחמר ובלבנים ובכל-עבודה
 בשדה את כל-עבודתם אשר-
 טו עבדו בהם בפרך: ויאמר מלך
 מצרים למילדת העברית אשר
 שם האחת שפרה ושם השנית
 טז פועה: ויאמר בילדכן את-
 העבריות וראיתן על-האבנים
 אם-בן הוא והמתן אתו
 יז ואם-בת הוא וחיה: ותיראן
 המילדת את-האלהים ולא
 עשו כאשר דבר אליהן מלך
 מצרים ותחיין את-הילדים:
 יח ויקרא מלך-מצרים למילדת
 ויאמר להן מדוע עשיתן הדבר
 הזה ותחיין את-הילדים:
 יט ותאמרן המילדת אל-פרעה
 כי לא כנשים המצריות
 העבריות כי-חיות הנה בטרם
 תבוא אלהן המילדת וילדו:
 כ ויוטב אלהים למילדת וירב
 כא העם ויעצמו מאד: ויהי כי-
 יראו המילדת את-האלהים
 כב ויעש להם בתים: ויצו פרעה
 לכל-עמו לאמר כל-הבן
 הילוד היארה תשליכהו
 וכל-הבת תחיין:
 בא וילך איש מבית לוי ויקח את-
 ב בת-לוי: ותהר האשה ותלד
 בן ותרא אתו כי-טוב הוא

ג ותצפנהו שלשה ירחים: ולא-
 וכלה עוד הצפינו ותקח-לו
 תבת גמא ותחמרה בחמר
 ובזפת ותשם בה את-הילד
 ותשם בסוף על-שפת היאר:
 ד ותתצב אחתו מרחק לדעה
 ה מה-יעשה לו: ותרד בת-
 פרעה לרחץ על-היאר
 ונערתייה הלכת על-ידי היאר
 ותרא את-התבה בתוך הסוף
 ותשלח את-אמתה ותקחה:
 ו ותפתח ותראהו את-הילד
 והנה-נער בכה ותחמל עליו
 ותאמר מילדי העברים זה:
 ז ותאמר אחתו אל-בת-פרעה
 האלך וקראתי לך אשה
 מינקת מן העברית ותינק לך
 ח את-הילד: ותאמר-לה בת-
 פרעה לכי ותלך העלמה
 ט ותקרא את-אם הילד: ותאמר
 לה בת-פרעה היליכי את-
 הילד הזה והינקהו לי ואני
 אתן את-שכרך ותקח האשה
 י הילד ותניקהו: ויגדל הילד
 ותבאהו לבת-פרעה ויהי-לה
 לבן ותקרא שמו משה ותאמר
 יא כי מן-המים משיתהו: והיו
 בימים ההם ויגדל משה ויצא
 אל-אחיו וירא בסבלתם וירא
 איש מצרי מכה איש-עברי